

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 49. stav (7) Pravilnika o licencama – Prečišćeni tekst ("Službeni glasnik BiH", broj 63/16), na sjednici Državne regulatorne komisije za električnu energiju održanoj 24. jula 2019. godine, donijeta je

ODLUKA O NASTAVKU KORIŠTENJA LICENCE

1. Javno preduzeće "Elektroprivreda Hrvatske zajednice Herceg Bosne" d.d. Mostar, sa sjedištem u Mostaru, Ulica Mile Budaka broj 106 a, vlasnik licence za obavljanje djelatnosti međunarodne trgovine električnom energijom, registracijski broj 05-28-12-255-15/17 od 2. novembra 2017. godine, nastavlja sa korištenjem ranije dodijeljene licence sa sjedištem u Mostaru, Ulica kralja Petra Krešimira IV broj 6-A, uz neizmijenjene uvjete licence.
2. Ova odluka stupa na snagu danom donošenja, a dispozitiv odluke bit će objavljen u "Službenom glasniku BiH" i službenim glasilima entiteta.

Obrazloženje

Javno preduzeće "Elektroprivreda Hrvatske zajednice Herceg Bosne" d.d. Mostar u Ulici Mile Budaka broj 106 a, vlasnik je licence za obavljanje djelatnosti međunarodne trgovine električnom energijom koja mu je izdata Odlukom Državne regulatorne komisije za električnu energiju (u daljem tekstu: DERK), broj 05-28-12-255-15/17 od 2. novembra 2017. godine, na period od 1. januara 2018. godine do 31. decembra 2022. godine.

Vlasnik licence je aktom od 8. jula 2019. godine, zavedenim pod brojem 05-28-13-248-1/19, obavijestio DERK o promjeni adrese sjedišta, sa ciljem da se ovi podaci izmijene u službenim evidencijama DERK-a.

Prijava izmijenjenih podataka potkrijepljena je odgovarajućom dokumentacijom, te je uvidom u ovjerenu kopiju aktuelnog izvoda iz sudskog registra Općinskog suda u Mostaru od 4. jula 2019. godine za Javno preduzeće "Elektroprivreda Hrvatske zajednice Herceg Bosne" d.d. Mostar, utvrđeno da je u istom upisana promjena adrese subjekta upisa, tako da se umjesto sjedišta u Mostaru, u Ulici Mile Budaka broj 106 a upisuje sjedište u Mostaru, u Ulici kralja Petra Krešimira IV broj 6-A.

Imajući u vidu da se, shodno Pravilniku o licencama – Prečišćeni tekst, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence od strane iste pravne osobe, to je, na osnovu člana 49. stav (7) Pravilnika o licencama – Prečišćeni tekst, donijeta odluka kao u dispozitivu.

U skladu sa članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-13-248-2/19

24. jula 2019. godine

Tuzla

Predsjedavajući Komisije

Suad Zeljković